

Den 15 luna lo elimina tankinan

Desmantelacion Lago ta cuminza

Compania tabata tin problema cu importacion material

ORANJESTAD(AAN)--

E compania a pensa cu e por importa tur cos sin paga derecho ariba importacion. Pro esaki tabata solamente posible cu material pisa. Awor e asunto a keda regla y teniendo su mes na tur regla, e compania en cuestion ta cuminza cu desmantelacion di Lago e siman aki.

Segun a worde anuncia ayera pa Lago, e promer fase di desmantelacion di e refineria, ta planea pa cuminza e siman aki, cu ta cuatro siman promer cu e

fecha programa. Di acuerdo cu e acuerdo firma entre Lago y Gobierno, e actividadnan lo no a cuminza promer cu 30 di September 1988. sinembargo, den un esfuerzo pa cumpli cu e obligacionnan contratual y cuminza crea trabao mas pronto cu ta posible, Lago por a cuminza cu e promer fase di desmantelacion.

Dia 14 di Maart, 1988, West Coast Tank Piping and Construction Inc. a firma un acuerdo cu lago pa desmantela y

elimina 181 tanki cu ta keda ariba e tereno, conoci como Lower y Upper Farms. E tankinan cu ta keda na e tereno di transshipment y esnan cu ta worde usa pa Esso Petrolera, lo no worde desmantela.

Un gran parti di maquinaria y equipo pa desmantela, a yega Aruba dia 3 di Mei. Inoficialmente DIARIO por a comprende cu esaki a trece cierto confusion, ya cu e compania a pensa cu ta tur cos por worde importa sin paga derecho ariba

importacion, mientras cu leynan no ta brinda e espacio aki. A keda regla, cu ta solamente loke por legalmente, lo drenta sin paga e tipo di belasting.

Durante 15 luna lo traha ariba desmantelacion di e tankinan, cu ta significa 64 Mil di staal.

West Coast Tank lo haci uso di contratistanan local pa haci gran parti di e trabao. Cuatro supervisor extranhero lo ta en-

volvi hunto cu 50 pa 60 trahador Arubiano. E equiponan lo traga ariba diferente tanki na mes momento.

Esnan cu ta haya trabao lo worde dividi den diferente grupo y lo worde entrega den e tecnica di West Coast. Paden y pafor nan lo sigui instruccionnan den labornan, cu lo tin seguridad como punto central.

Lago awor ta ricibi oferta pa e proximo fase di desmantelacion di e refineria.